

dem, vicarias, quasi operis DEO præstari, in vindicandis improborum sceleribus asserens. Rom. 13. 4.

41. V. Quemadmodum verò privata crimina civilibus pœnis plectere licitum est magistratui: ita publica etiam, acrius propulsare, & militiam ac bella gerere, quin eidem concessum sit, ac jure divino (modo iusta belli causa sit) minimè improbetur, nemini dubium esse potest.

42. Accedit juris divini autoritas: siquidem DEVS per Mosen belli gerendi formam ipse præscripsit. Deut. 20, 1. accedunt exempla bellatorum, quos nihilominus pios fuisse, Deoq; acceptos constat, ut Abrahami, Gen. 14. Mosis, Davidis, Iosue. Accedit denique Iohannis Baptiste approbatio, qua milites ad se adventantes non arma iubet deponere, militiamvè deserere: sed vi injusta abstinere, & stipendijs suis contentos vivere Luc. 3, 14.

43. Sextam speciem, quæ est Contractuum civilium ipse Spiritus Sanctus in scripturis astruit, dum præcipit, ut ne quis in negotio fratrem suum opprimat aut circumveniat. 1. Thess. 4. 6. 1. Cor. 7, 30.

44. Proprietatem bonorum, quæ septima rerum civilium species hoc loco constituitur, doctrina Evangelij nusquam improbare legitur, etsi fiduciam quam in opibus locare solent homines, nulli non & damnat.

D. Apost.